



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

4. Diffidentia suû.

Nutzungsbedingungen

[urn:nbn:de:hbz:466:1-55242](https://nbn-resolving.org/urn:nbn:de:hbz:466:1-55242)

non confundar in aeternum. S. Bernard. in
Psal. Qui habitat.

Petitio.

Tu es Domine spes mea : sperent alii in
amicitia propinquorum : alii in incerto di-
vitiarum : alii in armis & robore militum :
alii in Principibus & filiis hominum , in
quibus non est salus : ego autem sperabo &
gaudebo in DEO JESU meo , qui spem
meam corroboret ; ac denique spem in rem
convertat.

Aspirationes.

I. *Mihi adhaerere Deo bonum est, & ponere
in Domino spem meam.* Psal. 72.

II. *Da clementissime Domine, solidam
fidem, spem congruam, & charitatem con-
tinuam.* S. Aug. med. c. 1.

III. *In Te Domine speravi, non confun-
dar in aeternum.* Psal. 30.

P A S S U S IV.

Diffidentia sui.

T E X T U S.

*Non sumus sufficientes cogitare
ali-*

aliquid boni à nobis , quasi ex nobis ; sed omnis sufficientia ex DEO est. 2. Corinth. c. 3.

Cognitio.

Diffidentia suū in eo sita est , ut quis credat , certūmque teneat , se tam in naturalibus , quàm supernaturalibus , absque auxilio Dei , nihil posse ; sed esse instar infantis , qui absque alterius ope , si nudus sit , non potest se operire ; non pascere , si sit famelicus ; lapsus in terram , nequit surgere ; sordibus inquinatus , non potest sese mundare ; ab hostibus non valet se defendere , nec pericula fugere , nec vulnera inflicta curare.

Actus Diffidentiae.

1. Practicè cognoscere , omnia bona ac dona à Deo esse.
2. Imbecillitatem , fragilitatem , & inconstantiam suam agnoscere.
3. Suis viribus minimè fidere , existimare , propriis viribus se non posse tentationi resistere , nec proposita bona exequi.
4. In lapsu crebriore , non mirari , non indignari , non impatientiâ tangi , aut pusillanimitate dejici.

s. In omnibus ad Deum confugere, & ejus
opem implorare.

Consideratio.

Pœnæ, in se nimium confidentibus im-
missæ, quem non à nimia sui confidentia
absterreant? I. Goliath viribus suis fesus,
à Davide pastorculo percussus interit. II.
Holofernes copiis suis præfidens, à debili
fœmina obruncatus est. III. Nabucho-
donosor potentia suæ innitens, regno simul
& ratione privatus est. IV. Rex Asa in
Rege Syriæ fiduciam collocans, ab hosti-
bus suis devictus & prostratus est. V. Pe-
trus Apostolus nimiam laborans sui præfiden-
tiâ, in trinam Domini sui negationem
prolapsus est. O quis igitur sibi fidat? Quis
baculo nixus arundineo, se fulciat?

Petitio.

Deus refugium meum & firmamentum
meum, tolle à me nimiam mei confiden-
tiam, gratiamque largire, ut media omnia
tantâ adhibeam diligentiam, atque si mihi
soli opus peragendum incumberet; & si-
mul tantâ sperem fiduciam, tantoque fervore
opem tuam implorem, quasi à Te solo
efficiendum foret.

Aspirationes.

I. *Qui confidit in corde suo, stultus est.*
Proverb. c. 12

II.

II. *Quamvis sis in tuto, noli esse securus.*
 S. Bernard. *Qui existimat se stare, videat
 ne cadat.* 1. Corinth. c. 10.

III. Domine, qui dixisti: *Sine me nihil
 potestis facere.* Joan. 15. Da mihi, viribus
 meis penitus diffidere.

PASSUS V.

Fiducia in DEUM.

TEXTUS.

*Nolite amittere confidentiam
 vestram, quæ magnam ha-
 bet remunerationem.* Hebr.
 c. 10. 35.

Cognitio.

Fiducia est spes roborata, atque perfecta:
 quæ ex parte Dei est certissima, ac fir-
 missima: quia nititur omnipotentiâ, boni-
 tate, fidelitate ac promissione Dei, & Chri-
 sti meritis: licet ex parte nostra, non sit
 tam absoluta certitudo, ut timorem exclu-
 dat; quia ex parte nostra accidere potest defe-
 ctus: unde Apostolus monet, ut cum timore
 & tremore salutem nostram operemur.

E ;

Mo